



Broj: 05/ 12-021-230 /2023

Sarajevo 28. septembar 2023. godine

Na osnovu člana 148. Statuta SDA i člana 3.7 Pravila izbornog postupka u SDA, Izborna komisija je na sjednici na sjednici doržanoj 28. septembra 2023. godine, razmatrala prijedloge kandidata za predsjednika SDA i potpredsjednike SDA, a nakon razmatranja svih prijedloga te u pojedinim slučajevima razmatranja i dodatne dokumentacije, donijela slijedeću

ODLUKU

I.

Prijedlozi iz kantonalnih /regionalnih organizacija su formalno ispravni i u cijelosti ispunjavaju propisane uslove te se prihvataju kao relevantni svi prijedlozi iz svih KO/RO za kandidata za predsjednika SDA kao i za kandidate za potpredsjednike SDA.

Prijedlozi za kandidata za predsjednika Stranke iz općinskih organizacija SDA, Gornji Vakuf, Bosanski Novi i Rogatica se odbacuju kao nedopušteni jer je predloženo više od jednog kandidata, dakle više od broja koji se bira.

Prijedlog za potpredsjednike Stranke iz OO SDA Gornji Vakuf se odabacuje kao nedopušten jer je predložen veći broj kandidata od broja koji se bira.

Prijedlozi za kandidata za predsjednika Stranke i kandidata za potpredsjednike Stranke iz općinskih organizacija SDA Prnjavor i Bosanski Kobaš – Srbac se odbacuju kao nedopušteni jer su dostavljene dvije odluke o prijedlozima kandidata, pri čemu je prvobitno putem RO SDA Bosanska Krajina Prijedor kako je to i propisano Uputstvom Predsjedništva SDA dostavljen prijedlog za jednog kandidata a naknadno je putem pošte poslije utvrđenog roka dakle neblagovremeno dostavljen prijedlog za drugog kandidata za predsjednika Stranke.

Nakon provdenog postupka po prigovoru tri člana IO OO SDA Teslić koji je usvojen kao osnovan prijedlog iz OO Teslić se odbacuje kao nedopušten zbog neurednosti

sazivanja sjednice Izvršnog odbora, a što je Komisija nesporno utvrdila nakon provedenog postupka, a osnovu dostavljene dodatne dokumentacije (zapisnik sa sjednice IO) .

Prijedlog iz OO SDA Derвента se odbacuje kao nedopušten jer nije formalno ispravan jer je potpisan od nepoznatog lica, lica koje nije predsjednik niti član Povjereništva za OO SDA Derвента, a osim toga to lie se ne nalazi u evidenciji članstva SDA, pa se ovaj prijedlog ne može smatarti prijedlogom OO SDA Derвента.

Prijedlog iz OO SDA Dobj Jug se odbacuje jer nije formalno ispravan jer je odluku o prijedlozima donio nepostojeći organ. Naime odlukom Predsjedništva SDA od 01.09.2022. godine u OO SDA Dobj Jug uvedeno je Povjereništvo i svi organi ove OO su razrješeni dužnosti Dakle ovlašteni organ u ovoj OO do izbora novih organa je Povjereništvo.

Iz navedenih razloga Izborna komsija je odbacila kao nedopušten prijedlog iz OO SDA Dobj Jug jer je odluku donio organ koji je razrješeno dužnosti.

Prijedlozi iz OO SDA Čelinac i OO SDA Bosanski Šamac se odbacuju jer nisu formalno ispravni jer je utvrđeno da u ovim organizacijama u akutelnom mandatnom periodu nisu provedeni izbori za organe Stranke, niti je Predsjedništvo SDA kao ovlašteni organ imenovalo Povjereništvo u ovoj OO . Stoga ove organizacije nisu imale pravo predlaganja kandidata. Osim toga prijedlog iz OO SDA Bosanski Šamac Izbornoj komsiji nije dostavljen po propisanom postupku nego je isti dostavio jedan od kandidata pa i iz toga razloga taj prijedlog nije formalno ispravan.

Osim toga provedene su i dodatne provjere i utvrđeno je da ne postoje dokazi pa čak ni iformacije o bilo kakvoj stranačkoj aktivnosti u ovim organizacijama.

Prijedlog iz OO SDA Bosanski Brod koji je navodno donijelo Povjereništvo se odbacuje kao neblagovremen, jer je zaprimljen 27.09.2023. godine.

Izborna Komisija SDA konstatira da OO SDA Gacko nije dostavila prijedlog kandidata.

Prijedlozi iz preostale 103 općinske/gradske organizacije SDA su formalno ispravni i u cijelosti ispunjavaju propisane uslove te se prihvataju kao relevantni svi prijedlozi iz ovih OO/GO za kandidata za predsjednika SDA kao i za kandidate za potpredsjednike SDA.

Prijedlozi iz organizacije SDA Brčko Distrikt BiH formalno su ispravni i u cijelosti ispunjavaju propisane uslove te se prihvataju kao relevantni prijedlozi kandidata za predsjednika SDA kao i za kandidate za potpredsjednike SDA

II.

Odluka će se objaviti na zvaničnoj stranici Stranke demokratske akcije, čime se smatra da je dostavljena svim kantonalnim/regionalnim te općinskim/gradskim organizacijama SDA, od kada teče rok za podnošenje žalbe Apelacionoj komisiji SDA u roku od 48 (četrdeset osam) sati.



Predsjednik

Nezir Pivić

